

Pūkete ākongā MyNZQA

Ka whakaatu atu te tomokanga MyNZQA i ō whiwhinga, i ō whakawhiwhinga, i ō tohu, me ō whakamanatanga o te kura Tuarua

Mā te tomokanga ākongā MyNZQA, ka āhei hoki koe:

- te kite i ō urunga, ō whiwhinga, ngā puka aromatawai ā-waho, me ngā urupare whakamātautau Matihiko
- te tukuatū tāpaetanga matihiko hei māka
- te tono mō ngā arotake, mō ngā whakaarotanga anō
- te tono mō tētahi Mauhanga Eke Paetae (Record of Achievement), tiwhikete NCEA hoki.

Kei te paetukutuku NZQA he mōhiohio mō te waihanga i tētahi pūkete ākongā MyNZQA, kei www2.nzqa.govt.nz/login/create-account/. Ka mahi hoki i ēnei mea takiuru kia uru atu ki ngā aromatawai ā-waho matihiko.

Ngā whiwhinga ka tukuna atu ki ngā whare wānanga

Ā te Hānuere 2027, ka tukuna e NZQA ngā whiwhinga Kaupae 2, Kaupae 3, me ngā tohu urunga whare wānanga ki ngā whare wānanga katoa o Aotearoa hei whakamāmā i te tukanga whakauru-wawe. Ki te koe kore e pīrangi kia riro atu ō whiwhinga ki ngā whare wānanga, **me** whakamōhio atu ki tō kura.

Te ako ki tāwāhi

Mena e whakamaheretia ana kia ako ki tāwāhi, whakapā wawe atu ki te whareako e meatia ana kia kuhu atu. Me mārama hoki koe ki ngā tikanga paeuru, ki ngā hātepe, ki ngā aukatinga. Ka āhei ngā whare wānanga o Te Pāpakanui te tiki hoki i ō whiwhinga mai i ngā pūnaha NZQA, māna i tohua rawatia e koe kia tuituitia ō whiwhinga.

Te whakaoti aromatawai ā-waho Matihiko

Ka whakaratohia e NZQA ngā aromatawai ā-waho matihiko mō ngā marau NCEA, New Zealand Scholarship hoki. Tēnā tirohia www2.nzqa.govt.nz/timetable mō te rārangi marau i te paetukutuku NZQA. Ka whakamōhio atu tō kura ko ēhea ngā aromatawai ā waho ka tuku matihiko atu, ā, ka āwhinatia tō whakariterite.

Hei te 2026, ki te whakaratohia ā-matihikotia tētahi whakamātautau Kaupae 1, me mahi mā runga rorohiko. Me whai aweretanga kua whakaaetia kētia e āhei ai te whakamahi kape pukapuka. Kōrero ki tō kura mō tērā.

Hei tāpiri hoki ki tō whakariterite mō te aromatawai ā waho, me waia ka tika koe ki te pūhara aromatawai matihiko. E wātea ana he ngohe parakatihi, he hātepe mō te whakarite i tō pūrere i te paetukutuku NZQA mā te www2.nzqa.govt.nz/digital-assessment.

He kōrero anō ki www2.nzqa.govt.nz/ncea/about-ncea/ ā, kōrero rānei ki tō kura.



He Puka Mōhiohio Ākongā

Te Urunga ki NCEA, ki NZ Scholarship

He aratohu mā ngā ākongā, mā ngā kaimohi, whānau hoki 2026

NZQA

Mana Tohu Mātauranga o Aotearoa
New Zealand Qualifications Authority



Tēnā koutou katoa

Ko te **National Certificate of Educational Achievement** (NCEA) te tohu ā-motu matua mō ngā ākonga kura tuarua o Aotearoa. Kei roto e whakarārangihia ana ngā paerewa aromatawai ā-roto, ā-waho hoki ki te www2.nzqa.govt.nz/ncea/about-ncea/about-standards/. Kei roto hoki i ngā aromatawai mō ngā paerewa aromatawai ā waho ko ngā whakamātautau me ngā pūkete mahi.

Ka whakaaetia te NCEA e ngā kaituku mahi, ā, ka whakamahia hoki e ngā whare wānanga ki Aotearoa, ki tāwāhi anō hoki. He tohu mō ngā ākonga pai rawa o ngā kura tuarua te New Zealand Scholarship. Ka whakawhiwhia he tohu tahu ki aua ākonga i whai NZ Scholarship, i whakatutuki hoki i ngā herenga. Ka kitea aua herenga ki te Āpiti 1 o te wāhanga Ture Aromatawai o tā mātou paetukutuku www2.nzqa.govt.nz/assessment-rules. Ko aua ākonga ka whiwhi i ngā tohu Karahipi o Aotearoa huhua, ka whakapūmautia hoki rānei e tā NZQA hui whakanui Top Scholar Award.

Me pēhea taku uru atu mō te NCEA, NZ Scholarship rānei?

Ka tuku tuatahi ana tō kura i āu urunga ki NZQA i te Kaupeka 1, kua kuhu aunoa atu koe mō te NCEA. Ki te pīrangī koe ki te uru atu mō te NZ Scholarship, ka āhei hoki tō kura te āwhina i a koe kia uru atu.

Ko rikoatahia ia kaupae ka tutuki i a koe ki tō mauhanga eke paetae Aotearoa.

Te Reo Matatini me Te Pāngarau NCEA

He pūkenga whai tikanga Te Reo Matatini me Te Pāngarau ka mahia ia rā, ia rā. Ko Te Reo Matatini, Literacy rānei, ko te taea pānui, tuhituhi, kōrero anō hoki. Ko Te Pāngarau, Numeracy rānei, ko te taea mahi pāngarau ia rā, ia rā. E whiwhi ai i te tohu NCEA, ahakoa te kaupae, me whai tautokorua whiwhinga 20 i roto i

- ngā paerewa Te Reo Matatini me Te Pāngarau
- ngā paerewa Literacy me te Numeracy hōu

Ka āhei te mahi i ētahi paerewa rawa te reo matatini me te pāngarau mō te tautokorua.

Mō ētahi mōhiohio anō mō Te Reo Matatini me Te Pāngarau, tirohia www2.nzqa.govt.nz/ncea/subjects/litnum/.

Ngā tūmomo aromatawai

He aromatawai ā roto, ā waho hoki mō te NCEA. Ko ngā aromatawai ā roto, mā ō kaiako e whakarite, e māka. Ko ngā aromatawai ā waho, NZQA e whakarite, e māka, ā kei roto hoki ko ngā whakamātautau, ko āu ake mahi i tāpaetia, pērā me ngā kōpaki toi, ngā whakaaturanga, ko ngā ngohe tuhituhi.

Ki te ako rānei i te wāhanga ako Te Marautanga o Aotearoa, Te Reo Matatini me Te Pāngarau, Te Ao Haka, Te Reo Māori hoki rānei, he aromatawai hanga-whakamātautau poto pea tāu e oti, e kīia nei ko te Tūmahi Aromatawai Pātahi (TAPā), me te tāpae kohinga o āu mahi, ka kīia he Kete Manarua. Mō ētahi mōhiohio anō, tirohia www2.nzqa.govt.nz/tapa-kete-manarua.

Ngā Kaupae me ngā Tiwhikete NCEA

Kaupae NCEA	Ngā Herenga
Kaupae 1	Me 60 whiwhinga, ahakoa te kaupae (1, 2, 3), waihoki, 10 whiwhinga Te Reo Matatini, Literacy, ā, 10 whiwhinga Te Pāngarau, Numeracy. Kia kite ko ēhea ngā paetae ka hāngaitia, tirohia: www2.nzqa.govt.nz/ncea/subjects/litnum/standards/ .
Kaupae 2	E 60 whiwhinga ki te Kaupae 2, ki runga Me ngā herenga Tautokorua.
Kaupae 3	E 60 whiwhinga ki te Kaupae 3, ki runga Me ngā herenga Tautokorua.

Me tutuki takitahi i a koe ngā herenga tautokorua Te Reo Matatini, Literacy rānei, me Te Pāngarau, Numeracy rānei. Kua hoki rānei mō kaupae kē o te NCEA. Mehemea he pātai āu mō Te Reo Matatini, Literacy rānei, mō Te Pāngarau, Numeracy rānei, kōrero ki tō kura.

Te Wātaka National Secondary Examinations

Kei te paetukutuku NZQA te Wātaka Whakamātautau 2026 www2.nzqa.govt.nz/timetable. Whakapā atu ki tō kaiako mō te tūpono kia rua neke atu rānei ngā whakamātautau o āu marau i te wā kotahi. Ka mahi me NZQA kia whai whakaritenga.

Ngā Ture Motuhēhē, Ture Aromatawai

Me oti pono i a koe ngā mahi katoa, me tuku hoki i tō ake mahi nāu anō i mahi. Kāore e āhei ana i a koe te mahi karekōrero, te mahi atamai hangahanga waihanga (generative AI), mahi taputapu whakapuaki anō, me ētahi atu taputapu ka āhei te patō aunoa, te waihanga whakautu hoki māu. He takahanga ture te mahi i aua taputapu, he “whatinga ture aromatawai”. Kia whai mōhiohio mō te takahi ture, tirohia www2.nzqa.govt.nz/breaches.

Special Assessment Conditions (SAC)

Mena he uauatanga ā-tairongo, ā-tinana, ā-hauora, ā-ako hoki rānei, ka āhei pea koe te whai tautoko kia uru atu i ngā aromatawai i te tau. E kīia nei tēnei āwhinatanga, ko ngā āhuatanga aromatawai motuhake, Special Assessment Conditions. Me tonono māu e tō kura ki NZQA kia kuhu atu ki te āwhinatanga nei, ā, ka whakamārama atu ki a koe. He utukore tēnei ki a koe. Haere ki www2.nzqa.govt.nz/sac kia whai kōrero anō.

Taku uru atu ki tētahi whare wānanga o Aotearoa?

Ko te tohu Urunga Whare wānanga (UE) te paeuru itinga rawa kia kuhu atu ki tētahi whare wānanga o Aotearoa. He paeuru ā-hōtaka anō ā ētahi whare wānanga, ā ētahi whareako paetoru mō ētahi hōtaka. Me kōrero ki a rātou kia kite he aha rawa ngā tino paeuru mō ngā mea e pīrangitia ana ki te ako.

E riro ai te UE, me whai koe i:

- Te NCEA Kaupae 3
- 14 ngā whiwhinga Kaupae 3 i ngā marau UE i whakaaetia e toru
- Te Reo Matatini – 10 ngā whiwhinga Kaupae 2 ki runga, kei roto:
 - E 5 ngā whiwhinga paerewa pānui
 - E 5 ngā whiwhinga paerewa tuhituhi
- Te Pāngarau – 10 ngā whiwhinga Kaupae 1 ki runga, kei roto:
 - ko ngā tautokorua Kaupae 1, paerewa kōwae Te Pāngarau (US 32412), paerewa kōwae Numeracy (US 32406) rānei;
 - [achievement standards](#) hoki rānei

Kia whai kōrero anō, kōrero ki ō kaiako, tirohia rānei www2.nzqa.govt.nz/university-entrance

Te Utu mō ngā Ākonga Rāwaho

He utukore te urunga ki ngā aromatawai NCEA me te NZ Scholarship mō ngā ākonga rārōto.

Ko ngā ākonga Utu Rāwaho kua uru atu ki ngā aromatawai, me utu mō te:

- *Urunga NCEA* *\$383.30 mō ia tau*
- *Ia marau NZ Scholarship* *\$102.20 mō ia marau*

Ka utu koe i ngā utu ākonga rāwaho ki tō kura. Mā rātou e whakamōhio atu te rā me te rahi kia utua atu. Mā tō kura ngā utu e utu ki NZQA tāria kia 30 o Oketopa 2026.